

續修四庫全書

《續修四庫全書》編纂委員會編

續修四庫全書

上海古籍出版社

四二六・史部・雜史類

名山藏一百零九卷(卷十八至卷六十三)

〔明〕何喬遠撰

2734/06

名山藏卷之十八

臣何喬遠恭輯

典謨記

孝宗敬皇帝

孝宗敬皇帝御諱祐楹憲宗子也母曰紀淑妃憲宗王皇后無子萬貴妃寵而妬它妃不得子淑妃一幸上為萬貴妃所譖逐既有身及生上周皇太后王皇后私育之而不敢以聞及六歲憲宗方知有上即冊立為皇太子憲宗崩以其年九月壬寅即位大赦天下以明年為弘治元年始憲宗冊上為太子時詔至

名山藏

卷之十八

典謨記

孝宗一

南京瑞雲見孝陵如車蓋既稍長仁孝恭儉聞於東宮及是持麻衰絕酒肉日侍靈輟哀擗有加時覽記孝經尚書家禮大明律四種書皆有日課有疑義即召問法吏儒臣天下翕然望治於是放省內苑鳥獸虎豹之屬勿飼之使自斃追奪李孜省鄧常恩趙玉芝凌中顧玘顧經曾克彰黃大經江懷李成等故所賜冠劍印章謫戍之降太監梁芳陳喜章興於南京間住其餘以左道附政省進者悉罷黜癸卯上大行皇帝尊諡廟號詔天下十月享廟樂設不作乙亥上周太皇太后王太皇后尊諡曰聖慈仁壽立張皇后

詔天下降革成化中傳陞冗員及大慈恩等寺法王

佛子等職御史姜洪湯鼎庶吉士鄒智連章論劾大

學士萬安許致仕追尊紀淑妃為皇太后上尊諡十

一月賊破揭陽縣置孝豐縣起致仕南京兵部尚書

王恕為吏部尚書改南京兵部尚書馬文升為左都

御史南京禮部尚書耿裕為南京兵部尚書陞少詹

事劉健為禮部右侍郎兼翰林院學士入內閣禮部

右侍郎丘濬進所撰大學衍義補嘉納之陞本部尚

書以李孜省罪重及梁芳陳喜章與鄧常恩等俱逮

繫錦衣獄辛巳憲宗喪百日矣先是上服喪二十七

名山藏

卷之十八

典謨記

孝宗一

日禮官請易服如制入朝上素服如故羣臣服吉者皆趨出至是百日又如之進士潘府請行三年喪下輔臣詳議禮部侍郎倪岳定儀注三年不鳴鐘鼓不受朝賀朔望官中素服舉奠絲是上孝德感動中外府字孔脩上虞人成化丁未進士既勸上行三年喪親友疑沮以祖訓為言府不聽疏竟上奏經待罪梓官發引府獨哀經哭送出知長樂縣有惠政還南兵部主事數上疏言事其言元世祖不宜列帝王廟本華黎不宜從祀功臣吳澄不宜從祀孔廟時雖未用至嘉靖中悉如其議以母憂去官還理亂政遂高卧不起嘉靖初進十二月壬午葬大行皇帝茂陵以紀太后祔己丑祔懿祖皇帝奉祔大行皇帝主太廟作奉慈殿奉紀太后主焉唐王芝址薨

元年正月庚戌月食不及一分免救護改南京刑部尚書何喬新爲刑部尚書虜寇靖虜蘭州等處分守都指揮同知廖斌等戰敗之賜璽書閏正月始用朔望御奉天殿百官公服朝參禮李孜省死于獄其他方士仍戍邊紀太后賀人其親屬莫知遣使入賀求之科道官劾奏諸武將不職上曰將才難姑許畱其稍可者二月丁未祭先農遂耕籍封哈密衛左都督罕慎爲忠順王虜寇廣寧參將崔勝等連敗之賜璽書三月癸酉視學釋奠先師加幣用太牢改分獻曰分奠賜祭酒間司業震坐講丙子開經筵丁丑命日名山藏

卷之十八 孝宗一 三

講壬午午朝壽州知州劉槩上封事納之都指揮廖斌復敗虜蘭州五月嘉興賊陳輔作亂命刑部右侍郎彭韶巡視浙江虜犯宣府永寧賜故南京右軍都督府經歷張徹誥命六月癸巳日有食之左庶子張昇論劾大學士劉吉降調南京工部員外郎襄王奇鏞薨丁未月食不及一分免救護命馬文升提督團營操練陞養病給事中賀欽爲陝西參議辭許之七月命戶部左侍郎李嗣兼都察院左僉都御史清理鹽法於兩淮彭韶兼都察院左僉都御史清理鹽法於浙江八月虜數寇獨石萬全及甘肅山丹永昌等

處北虜小王子伯顏猛可遣使來朝九月封誠泳爲秦王膺鉞爲岷王官紀太后親屬貴旺二人追贈太后三代修其先塋之在賀者十月代王獻海青報書返之曰朕靡敢盤于遊詩不云乎視我周行叔祖或有忠讜可時益朕十一月置順聖縣賊陳輔平妖僧繼曉伏誅十二月申嚴官員勢要中鹽禁令公侯駙馬伯子孫讀書習禮國子監

二年正月二月以災異問輔臣消弭之道截湖廣歲漕米遣戶部郎中江漢王宏分賑四川饑更發銀二萬爲饑民具耕種置從化縣下中書舍人吉人御史名山藏

卷之十八 孝宗一 四

湯鼎主事李文祥庶吉士鄒智知州劉槩董傑錦衣獄既戍謫之虜寇宣府獨石馬營四月都察院覆奏巡按廣東御史南言叛賊繫獄者三百餘人久恐變請皆決之上曰豈無可矜疑錦衣驛人令巡撫都御史秦紘覆審之以王恕老免其午朝減免溫處二府及福安縣升課一歲五月河決汴入淮復決黃陵岡入海六月虜入廣陵衛之岐山臺代王成鍊薨七月勅曰近京師大雨水南京又有風雨之異朕恭祇天戒爾文武百官其修省斟酌以缺政聞於是廷臣各言事皆從之遣郎中瑗賑河間永平免其糧稅戶給

一石米給畿內貧民二麥種各一石命四川鎮巡官查勘成都府衛去歲賑恤後今府庫餘積幾何收成幾何猶有被災者量免稅糧流移復業者見雜役三歲八月奉憲宗主太廟罷浦城縣銀冶九月虜屢入大同改南京兵部左侍郎白昂爲戶部左侍郎修理河道十月嶧縣妖賊王良等伏誅連山縣民告紀貴紀旺非太后宗支命給事中珪御史祐入賀詳訪其虛實十二月甲辰朔日有食之

三年正月二月戶部以鳳淮揚鄖襄南陽鄧唐諸府水旱免其糧草麥絲之稅上曰凶歲損上甚稱朕指

名山藏

卷之十八

典義記

五

急行之三月命天下州縣預備倉積糧視里數爲差以定黜陟黜陟府州正官亦視其屬之積數損糶蘇州倉米四萬以濟饑給會子廟祀田令同姓一人主廟給田戶五灑掃戶十免其絲增設四川按察僉事一員提督都江大堰以興水利發太倉銀萬兩賑秦安等縣達官餘舍捐糶永豐等倉復以固安文安二縣民饑不能糶驗口賑四月舉懷才抱德山林之士賑養育良牧二署被災人戶勅巡撫陝西右副都御史蕭禎兼督馬政五月復設興山縣潞沁二衛所屯田被水災不及三歲例不免糧上曰民饑方賑可復

彼特免之丁卯月食祠唐韓愈於孟六月襄王見淑薨七月給事中珪御史祐還言紀貴紀旺詐冒亡驗發成邊九月命修理邊牆三年一遣大臣閱視黜代府革爵武邑王聰沐爲庶人祠紀太后父母桂林復設東明邑市二縣閏九月封錢承宗爲安昌伯授宋朱熹九世孫婺源歲貢貞爲本縣訓導十月增祀元韓建於余闕廟十二月彗星見天津歷營室入室宿勅諭文武羣臣曰天示星戒朕齋沐告天省己脩德爾等宜各舉職慎操毋惰毋私凡軍民利病時政得失條奏來聞庶盡交脩之道於是廷臣言事悉從之

名山藏

卷之十八

典義記

六

四年正月戶部尚書李敏疾乞歸上曰君臣一體卿毋去朕使醫視卿二月封張縉爲壽寧伯勅三法司曰曩天下諸司密錄重囚矜疑及辯遣者奚啻十數百人與其寬終孰若謹始其今繼今問刑之際察審辭色加意究之毋傳致於一時冀不坐於他日四月勅司禮監太監韋泰同三法司熟審勘問官有故失入等罪不追究焉辛酉月食五月子故刑部尚書吳雲贈諡諡故翰林侍制王禕祠雲南七月增城山賊藍糞等平八月總督兩廣都御史秦紘致仕封皇帝祐楮爲壽王祐楮爲汝王佑禩爲涇王祐樞爲榮王

祐楷爲申王修憲宗實錄成九月皇子生漳州賊溫文進等平十月黃河溢命有司量賑開封懷慶二府及揚德宣武睢陽三衛被災家虜寇甘肅十二月貴州苗賊乜富架等殺掠都勻清平諸處慶王遂墀亮起秦紘爲南京戶部尚書土魯番速壇阿黑麻王遣使來貢獻還城池人口并金印一賜綵段五表裏金織衣一襲

五年正月命織絳絳絳毼曳撒於甘肅陝西二處御史張文諫命減之二月命陝巴襲封哈密忠順王三月虜入宣大甘肅等處丁丑名皇子戊寅立爲皇太子

名山藏

卷之十八

典義記

七

子詔天下命吏部訪求太祖功臣子孫之失祿者進封張巒爲壽寧侯四月給事中王綸請絕龍船燈火之戲禁齋醮戒壇之妄納之五月致仕太子少保禮部尚書鄒幹疏言浙江水旱相仍民窮而盜請行蠲恤上曰幹老致仕尚憂公其持羊酒絲幣卽家勞勉之六月監察御史彭程言臣監收光祿寺見皇壇造器云先帝修齋用也切見陛下卽位諸如此類廢盡矣何猶製此異時李孜省僧繼曉倡爲邪術虛耗民財先帝篤信加禮者無他希福壽也二人竟身不保妄明甚伏望遏邪崇正治逢迎罪以明章陛下之惡

好上曰彭程暴揚先帝迷繫錦衣獄復改永安長官司爲州虜入宣府小白陽堡等處陞授壽寧侯巒勳階爲特進光祿大夫柱國歲加祿米二百石贈三代賜誥券七月命修飾宋岳飛祖墳在湯陰者有司春秋祭命三法司刪定問刑條例以輔大明律所不及虜入古北口復入宣府鎮安門墩以蘇松浙江水災山東久旱勅鎮巡等官加意蠲賑八月定王府妾媵數郡王母過四人將軍母過三中尉母過二命工部左侍郎陳政兼都察院右都御史總理河南等處水道命戶部左侍郎吳原兼右僉都御史巡視賑濟浙

名山藏

卷之十八

典義記

八

江察其吏弊當興革者南京監察御史澤等劾奏南京成國公儀兵部尚書鑒禮部侍郎瓊右通政紀右副都御史瑀吏部請令自陳休致上曰猶可使濯劇當事以水停南京兩浙額外織造九月虎刺撒國回回怕虜灣等貢玻璃瑪瑙等方物却之厚遣還十月虜入宣府龍門所復入大同分水嶺封覲鈞爲寧王祠故知府張瑛於建寧復左庶子張昇官貴州苗作命鎮守湖廣鎮遠侯顧溥等討之廣惠南韶四府災下有司賑恤十一月令有辦納米銀助賑者授武職官十二月壽寧侯巒卒使其子鶴齡襲封陞次子延

齡爲都督同知并陞其義兄璘止千戶從弟岳小姨夫麒麟副千戶從姪倫養子純義姪恪俱錦衣百戶逮荆王見瀟上與廷臣會訊之降爲庶人錮西內六年正月南京科道官劾奏不職官二十員命吏部從公考察母枉已吏部都察院會考中外官當降黜者千四百員上令方面知府指陳實跡府州以下未三年者皆疏列之尚書恕等疏上因言陛下考察府州以下謂必待三年其人誠感激上恩顧會鄙在位者留之一日則民受一日之殃昔黃次公雖惜送迎之費范仲淹亦分家路之哭上曰祖宗愛惜人才百

名山藏

卷之十八

典談記

九

官考滿初任再任有平常不稱者俱令復職必待九年方明黜降今或因風聞浮謗遽革其勤勞所積官令其泯默不敢伸陳無以開天下自新路非治世宜其令方面知府年未六十者疾不妨治事素行不謹在陞任前及見任不謹罷軟無爲非本部訪實或巡撫巡按不互坐并其餘官員到任未二年非老疾貪酷顯著者俱留治事於是吏部奉旨復留九十餘人上勉其加意當官毋來後議二月上曰報功古今所重也我皇祖佐命元勳皆已配饗廟廷其子孫或泯焉朕詔求之得常遇春玄孫復李文忠玄孫璿鄧愈

五世孫炳湯和六世孫紹宗可令世襲指揮使各銓附祖塋衛以便其奉祀治河侍郎陳政卒以浙江右布政使劉大夏爲都御史代之四月賜滁陽王後琥冠帶奉滁陽王祀土魯番阿里麻率衆夜襲哈密虜忠順王陝巴殺其都督阿木郎遂據哈密地勅責之命兵部侍郎張海前府都督同知緱謙往經畧自去冬不雪至于是月不雨勅求直言南京舊內火置賓州縣大羅衛虜入寧夏廟山墩殺指揮一人賑大興宛平二縣嚴自宮禁閏五月免兩浙鹽課太子太保吏部尚書王恕致仕六月飛蝗蔽日者三日遣順天

名山藏

卷之十八

典談記

十

府丞畢亨行縣督捕七月太皇太后病瘍上夜禱宮中命戶部分遣屬官二員覈實近畿諸府衛秋田水災分數其夏田旱災者各免稅有差刑部尚書彭韶致仕八月丁丑月食九月賜荆庶人見瀟自盡十月行取番僧領占竹來居大慈恩寺禮部尚書倪岳等言領占竹被劾遣還復承召命騷驛傳啓倖門後難杜也上曰毋傳令自來禮科右給事中夏昂劾奏領占竹先因獻頂骨數珠骷髏法盜叨冒陞賞皇上登御革職遣還遠近稱快岳所諫阻豈區區一傳哉願皇上嚴邪正治忽之防也上猶未允工科給事中柴

昇等上疏極論遂罷十一月改設維摩彌勒二州爲流十二月以災異疊見論在外鎮巡等官懲貪暴賑困窮防賊寇撫軍民痛加脩省命歸德州修敬子祠舉山林懷材抱德之士遂擢儒士潘辰爲翰林待詔西安知府嚴永濟疏言災變之來恒以類應天久不雨陛下近察禁輦服御之物遠驗工作司局之費則德澤流滯皎然可知臣頃見陝西雜造局二次降下圖式令織造絲裝絨毼凡四十九疋先次坐派二十五疋行布政使司辦料備作費金三千餘未就今復造二十四疋日毋停臣不知陛下珍此之多何以用

名山藏

卷之十八

典謨記

十一

之以之上用則毋過一再襲以之賞賚則羣下不敢當其色若象比陝西積欠軍士冬衣布花無慮百十餘萬前者辦料傭作之費皆扣除那借所出向移所取以益所欠未必不足補十一乃令民百餘家男輟其未女弛其機窮年營造以備上供不堪甚矣昔唐太宗納馬周之言遂省供奉御器明皇聽李德裕之諫而罷銀盃織綾夫豈聖明後唐二君下工部覆命織未就者悉罷

七年正月二月以災異命羣臣修省并極言時政得失軍民利病損糴保定真定河間三倉之一以濟饑

三月貴州苗也富架長脚等平命有司督民捕蝗捕一升者予米倍之以十事榜禁天下曰弛盜曰殃民曰淹獄曰虐小曰弊賦曰濫罰曰不遵信牌曰積年民害曰兇徒曰奸賭四月設陸涼州元謀縣爲流官改設馬龍州流官知縣一員五月命太監李興平江伯陳銳同劉大夏治張秋決河設都勻府更設獨山麻哈二州及清平縣隸之六月高郵康濟河成設印江縣七月命工部左侍郎徐貫兼都察院左僉都御史往同巡撫都御史何鑑經理蘇松常杭嘉湖諸郡水道九月興王之國十二月皇第二子生虜連入永

名山藏

卷之十八

典謨記

十二

昌京州等處李興陳銳劉大夏塞決成功遣行人齎羊酒勞之勅甘肅鎮巡等官賑甘涼諸邊軍苦虜者八年正月以皇太后聖體未安免慶成宴虜寇涼州都督劉寧等禦勝之二月乙卯朔日食岐王之國河復南流故道三月巡撫山東都御史紳等請黜沂州知州昌等九員吏部覆請上曰人才能否久乃見任未二年者姑留之從今有如此奏黜者吏部酌量以聞四月科道官言本朝朝覲考察委之撫按二院參之布按二司及州郡長吏部都察院又積其歲報殿最據爲去留有不當者朝野得非之科道得効之法

貴州盡臣伏讀弘治六年詔旨令吏部先期行文布
按二司考合屬巡撫巡按考方面年終奏行部院立
案待朝覲日詳審考察如有不公許其伸理臣仰知
皇上愛惜人才至意但人心巧偽所宜隄防如第委
二司考合屬恐未盡諮訪之公如部院立案待考察
恐致疎泄之弊如許考退者伸理恐開攻訐之門明
年又當朝覲考察之期乞一依弘治三年以前故事
加密與公天下自服吏部及都察院奉旨議覆上曰
人才進退重典也尚審訓之母有枉偏下山東副使
楊茂元錦衣獄已降為長沙府同知封張延齡為建
名山藏 卷之十八 典謨記 三
昌伯復設南贛都御史轄江西福建湖廣廣東交界
以弭盜七月虜數入宣府龍門獨石等處追封宋儒
楊時為將樂伯從祀孔子廟勅副總兵彭清統罕東
赤斤哈密三衛所部兵往征土魯番速壇阿里麻設
河南參政於南陽以撫民治盜虜入宣府八月入延
綏益王之國九月復設山東右參政一員總督勸農
兼管水利設龍門縣十月虜數入遼東開原十二月
虜入宣府龍門所等處
九年正月經筵講罷賜講官王華食時太監李廣方
諫德王華講大學衍義至唐李輔國結張皇后表裏
用事衆以事涉華請諱之華朗然諱論上乃不厭而

賜之食華餘疑人以及第一二月增先師文廟樂
器如天子之樂皇第二子薨追封為蔚王三月
己亥冠皇子廣西流賊劫信宜縣虜入宣府大同及
黃花鎮閏三月諭六部都察院凡天下奏事有旨令
看詳者覆奏毋過二日看議者毋過三日四月虜入
平虜殺千戶一人虜數入雲州等堡岷王奏武崗知
州劉遜諸不法事命錦衣往執之六科十三道皆言
錦衣天子親軍非不軌妖言重情不可輕遣岷王與
遜抵牾僅坐祿米愆期所奏干犯幾百餘人逮獨止
遜單詞難明曲直孰辯乞下法司行鎮巡官體勘必
名山藏 卷之十八 典謨記 四
有開坐上曰科道官不諳事也親王奏一州官而已
有旨逮輒交阻其悉下錦衣獄府部司寺諸大臣為
科道臣請寬上即日出之六月山陰蕭山二縣同日
大雨山崩水湧漂廬舍二千餘間死者三百餘人命
量免被災人戶徭役淪沒漂損者給米有差七月虜
數入宣府柴溝堡等處錄克復哈密功八月虜數寇
莊浪衛永昌涼州等處虜突入宣府獨石界九月虜
兩入密雲古北口十月虜入宣府命賑恤瀘州及新
津諸縣之被水者十一月虜入四海治堡復入廣武
營十二月戊子月食既賜故禮部侍郎兼翰林院學

士薛瑄祠額曰正學故伏羌伯毛忠祠額曰武勇刑部典史徐珪上書言獄下都察院考訊大理寺審允罰兩堂官俸發珪爲民

十年正月加封張鶴齡母夫人金氏爲昌國太夫人設太倉州三月勅諭少傅兼太子太傅吏部尚書謹身殿大學士徐溥太子太保禮部尚書兼武英殿大學士劉健禮部右侍郎兼翰林院侍讀學士李東陽詹事府詹事兼翰林院侍讀學士謝遷曰朕惟我高皇帝創業定制所貽子孫至矣御製之書連篇累牘宏綱衆目極大以精隨製隨改靡有寧歲後所施行

名山藏

卷之十八

典義記

五

未盡更定迨我太宗繼正大統益弘遠圖列聖相承至于皇考因時制宜或損或益其條貫散見簡牘間百司艱于考據閭巷或未悉知皇祖英宗睿皇帝有志纂述事弗克竟以遺朕躬茲欲仰遵聖製徧稽國史以本朝官職制度爲綱事物名數儀文等級爲目一以祖宗舊制爲主有損益同異據事繫年彙列于後緝以爲書以成一代之典俾天下臣民是訓是彝爾等詳錄謹書之俾文質適中事理兼備稱朕法祖圖治之意遂命溥健東陽遷充總裁官太常寺卿兼翰林院侍讀學士程敏政翰林院侍讀學士兼左春

坊左諭德王鏊翰林院侍講學士楊守陞充副總裁官名其書曰大明會典甲子始召徐溥劉健李東陽謝遷文華殿榻前商議諸司章疏溥等各擬旨面錄上或更定二三字或削去一二語皆得體要復應手親批極其敏妙有一疏條件多劉健請退詳擬上曰卽商是已賜茶出下內官何鼎錦衣獄四月虜大入大同境五月寇潮河川指揮劉欽等二十七人斃之虜大入大同連營二十里六月命戶部左侍郎劉大夏兵部左侍郎李介俱兼都察院左僉都御史整飭大同宣府兵糧乙酉月食七月山東巡撫都御史神

名山藏

卷之十八

典義記

六

等奉例考察請黜老疾不謹等官吏部覆奏命任未一年者留巡按陝西御史馮亦考察其屬以上吏部如前旨請上更命斟酌閏奏八月設鎮遠縣河南鄧州災命有司賑之命宋儒周敦頤十三世孫襲翰林院五經博士九月虜數入鎮番衛等處濟甯充青登萊莊浪十月勅加致仕都御史王越太子太保總制甘肅延寧三邊以禦虜十一月賑四川諸府虜再入薊州龍洞谷等處南京進貢內官奏管濟甯聞者工部主事盛應期衛河船者工部主事范璋阻滯薦新賊

繫之已降為驛丞置保康縣十二月癸未月食

十一年正月苗賊入靖州境三月皇太子出閣講學
虜入遼東復入肅州四月禮科給事中馮子聰陳二
事一言壽寧侯賜第役作未休毓秀亭繼之興濟廟
繼之礮石鏤木百匠並興帖翠塗朱萬民失業功延
累歲費過鉅萬今者四方天鳴地震水旱災傷京師
風霾連日陛下高拱九重耳不聞中外愁歎之聲目
不擊斯民貧苦之狀土木之工不止豈謂世道之際
方亨乞將臣言下所司集議緩急區別停減一言陛
下卽位首革傳奉冗員近來蹊徑百千經營鑽刺夫

名山藏

卷之十八

典謨記
孝宗一十一

祖宗以來百三十年于茲玉葉金枝徧滿天下造第
乞祿不絕歲歲經費既不可少額外又復加多虧損
名器耗盡財用設有不虞之事且別出無名之征國
急民困怨變所繇乞繼今定擬銓選文官必繇吏部
武官必繇兵部陰陽醫術僧道雜流必繇禮部有貢
綠傳奉陳乞恩澤者許當職奏治下所司五月虜駐
肅州境外將入寇分守右參將楊翥敗之瑣瑣林六
月虜數入宣府獨石等處復入古浪莊浪良州永昌
山丹境己卯月食命祭宋儒魏了翁於鶴山書院強
賊黃紹等據思明三州七月虜入宣府境王越率副

撫兵張安監鎗右監丞郝善舉虜賀蘭山後加越少

保兼太子太傅安善官一級虜入古北口八月入遼
東寧遠守備都指揮王臣死之設新寧縣命賑恤祥
符縣民之被河患者九月壽王之國虜大入寧遠十
月甲戌夜清寧宮災乙亥上遣召閣臣左順門宣旨
曰宮災朕奉侍聖祖母徹旦不寐今尚未敢去左右
暫免朝參可乎李東陽謝遷對曰宮闈大變太皇太
后震驚皇上方左右免朝可也乃免朝勅曰清寧宮
災中夜達旦朕心驚懼寢食靡寧已齋誠遣告于天
地太廟社稷山川爾文武臣宜各省躬思咎殫心効

名山藏

卷之十八

典謨記
孝宗一十二

刀凡百司弊政姦貪顯跡及一應軍民利病皆直陳
無隱以助朕勵精之實荅上天仁愛之心欽哉閣人
李廣以左道見幸至是死上意藏有奇方秘書使索
之得其籍或黃米若干石或白米若干石皆中外所
饋送上曰安也吾嘗行廣第足容哉左右曰此隱語
黃米金白米銀上震怒於是中外紛然而籍在上所
不得其主名刑科都給事中朝用監察御史天祐請
執廣親任責籍中主名付法司上曰科道官自指之
吏部員外郎張綏言聖德仁厚恐或姑息怒過且弛
恐或輕貸請勿入左右解釋之言大小臣有實跡者

悉以法輕重治翰林院編修羅玘言諸臣平生自有定論請涵容勿究以全臣工之體頃之朝用天祐等各臆指文武廷臣名對上曰人多無證姑已簿籍亦勿明免明年上元節所用烟火以後作派修理錢糧內官監酌減之戶科給事中徐昂言織造太多宜停詐偽太縱宜禁主將大不稱宜簡工役太盛宜止興濟縣修廟之役諫諍太疎宜復大班糾劾之典下所司十一月免陝西織造上用羊絨令小民舊欠歲派物料勘實奏免閏十一月壬戌朔日有食之言官屢請取回鎮守內臣者命如故虜入懿路城南京科道

名山藏

卷之十八

典謨記

充

幼奏文武大臣二十餘皆留之御史胡獻劾奏太監泰壽寧侯鶴齡下獄降藍山丞十二月都察院覆奏故太監李廣招權納賄累贓鉅萬莊田鹽貨尤多乞沒入報罷以乾清宮災下寬恤詔于中外命祠故尚書夏原吉工部尚書周忱于蘇州故少保禮部尚書楊溥于石首授徐珪為桐鄉丞南京科道官舉劾備考察吏部覆奏上曰其公議母枉

十二年正月虜入涼錦二州二月嚴左道禁三月虜入寧遠給事中華景論劾學士程敏政試目漏泄命下舉人徐經唐寅獄頃之亦逮繫敏政使都察院置

對午門令敏政致仕景調外經寅充吏闕里宣聖廟火衛王之國虜寇宣府官軍敗之四月虜連寇遼東寧遠義州廣寧等處命衛州府春秋祭宋趙抃祠大同連被虜七月虜連寇宣府八月雍王之國虜數入遼東增設江西副使一員整飭九江安慶池州建陽等處兵備九月虜入蔣鼎陽和命大學士劉健等凡有擬票文書卿手書密進毋令人代寫重建清寧宮成十月吏科都給事中魏江監察御史姚壽等言邇清寧宮告成匠官人等陞授若冠帶米給者至百餘人營繕郎中堂等陞京職二級或一級太監興太

名山藏

卷之十八

典謨記

辛

監瓚太監訓英國公懋兵部尚書文昇各子姪一人百戶錦衣工部尚書貫加太子太保夫清寧方災闕里繼之亢旱星文加之示變陞下降詔修省而名器反濫乞照宣德以來及近年增修祧廟舊例量與恩賞庶盡修弭之道上曰有成命其置之以清寧宮成命大能仁寺灌頂國師那卜堅參等設壇慶讚二日大學士劉健等言佛老異教宮庭禁地胡羯妄徒累日連朝喧雜掖庭驚動寢廟廢祖宗之法重聖德之累且以皇上至孝純誠保佑自天豈必假異術干宮禁然後可以上奉重慈永祈福壽哉臣平日尸素臨

事乏規此等詔旨猝不與聞伏望速頒明詔撤壇斥僧臣不勝待罪俟命時科道官皆以爲言上曰卿言是顧永樂朝亦有之既府部科道皆極言上曰有舊事姑胥後十一月奉太皇太后入居清寧宮虜入寧夏境殺百戶一人復入宣府遼東境初遼東總兵官指揮僉事李杲鎮守太監任良巡撫都御史張玉奏正月中虜分道寇我軍三禦之前後連斬首三百餘級廷臣謂遼東久不振意杲等誘殺之其後杲顏三衛來貢具言是又人自虜中還云三衛怨我且與虜合入寇上命右副都御史顧佐往覈佐行久不決海

名山藏

卷之十八

典謨記

王

州致仕知縣鑄奏言李杲任良張玉自知屢侵邊所掩罪使都指揮崔鑑王璽曹勳等以酒食誘虜掩殺之三百餘人者男女幼稚胡漢半兵科都給事中于宣等劾杲三人失機狀兵部會議請取還上命待佐報至監察御史韓春等奏杲三人匿敗抵欺宜服上刑言官屢劾廷臣合請詎意遲留尚復寬詔禮言冬月天子是察阿黨則罪無有掩蔽此正陛下察黨之月有罪不討若天命治化何下所司已科道官交章請兵部尚書馬文升再以爲言上曰待顧佐奏其促之十二月科道官交章奏祖宗稽古建官額數一定

陛下初年已痛革額外傳陞乞陞之弊近又復然前清寧宮恩臣等論列未蒙俞允文職少卿寺丞等官武職千戶等官士子砥礪名節武人衝冒矢石積歲閱月始得一階今雜流末藝坐得之無以勸天下乞從革去仍令舊職供事庶可塞倖而蘇民上曰業已賞勞其置之吏部尚書屠濬等言近日節次傳陞文職官員及冠帶人等七百九十餘人大臣科道非不論列臣等非不執奏聖恩弘貸此賜包容伏惟惜名器之濫究實繆之姦已傳奉者盡褫其職未傳奉者永絕其源兵部尚書馬文升奏祖宗設武階以待軍

名山藏

卷之十八

典謨記

王

功非有臨戰斬獲不得輕授實欲奔走天下之豪傑責其効死以報國家張玘輩繪技畫工有勞者支俸給無官者予月糧此外或賞金帛或榮冠帶足矣何至驟受武職全註錦衣徑准襲替夫百官俸賜盡出閭閻竭其膏血養此閭闔非陛下愛民保邦意伏望俯察諫官之言上尊祖宗之法皆不報虜先後入永昌涼州遼東大同等處命宋程頤十八代孫繼祖襲翰林院五經博士十三年正月工部尚書徐貫等言改樣紵絲紗羅近歲織造以萬計尚未就緒今又織諸色花樣於蘇杭

千五百餘疋疋價或至四五十金費財淫工度非皇上崇朴尚儉之意殆近習希寵不恤民艱伏望斷自宸衷獎賜停罷不允顧佐反命李杲任良張王掩殺虜實上日無證千多人其從輕降崔鑑王璽磨勳一級杲良王降勅責之命尚衣太監趙榮監督通州倉戶部尚書周經諍上曰已差遣姑置之自今總督一員京通監督各三員著爲令賜宋譚節婦祠額曰貞烈吉安府知府張本奏永新縣有譚節婦者宋宗室女元兵入城婦從其家俱匿縣學中兵至殺其男始與夫執婦欲汚之婦哭罵不從遂并其子皆死血漬禮殿附八磚上宛然婦人抱嬰兒狀沙磨火燬其狀益顯請修葺舊祠春秋致祭以勵風俗禮部覆奏從之二月間刑條例成三月

名山藏

卷之十八

典義記

三

給總督京通倉場太監蔡用關防爲故西天佛子者卽領占造塔四月己亥月食彗星見室壁閒芒尺餘兵科右給事中屈伸言陛下近者遊燕太頻視朝太晏宴頻倦神晏朝廢政今災異頻告邊方多警願惕然敬畏以應天赫然震怒以禦侮納之虜大入大同威遠遊擊將軍王杲禦之敗績守臣上失亡數不實命吏科給事中許天錫往按恤陣亡軍士及邊民被虜者以大同游警命平江伯陳銳掛靖虜將軍印充總兵官太監輔監督軍務戶部左侍郎許進兼都察院左僉都御史提督軍務都督劉寧克副總兵楊王

名山藏

卷之十八

典義記

三

充左參將太監姚舉監鎗往禦之復增陝西按察副使一員整飭環慶等處兼理鹽法賜壽寧侯鶴齡莊田於肅寧諸縣畝賦五分戶部尚書周經再執奏不允壬子上御平臺召劉健李東陽謝遷顧問章奏次第裁決上晏朝劉健諫納之五月甲寅朔日食丙寅復召劉健李東陽謝遷出諸營提督官辭任疏逐名訪問面裁決御書手勅付兵部行之虜大入大同遊擊將軍張俊率兵抵之于東荆莊周經致仕六月命兵部左侍郎王宗彝兼都察院左僉都御史經畧密雲潮河古北口工部左侍郎史琳兼都察院左僉都御史經畧紫荆關等處虜數入大同上曰陳銳受命出師今月餘嬰城自守諸將怯懦不足仗其召銳及金輔許進劉寧還遂命太監扶安監督軍務保國公朱暉掛征虜將軍印充總兵官都指揮僉事神英充右參將再領京營官軍五千往命取太監任良別用七月李杲張玉予致仕科道官言人臣致仕優禮也李杲張玉誘殺姦欺固宜顯戮而優之以禮恐三衛夷聞之積恨反側非所以警邊臣懲有罪上曰姑如旨虜入義州松山以禦虜無功革金輔管營并革陳銳劉寧祿俸閒住許進令休父命朱熹十一世孫舉

襲翰林院五經博士八月立宋楊太后廟新會縣先是吏部覆府部科道等官所言汰冗員革傳陞等事有旨待查奏至定奪至是吏部奏上上曰罷九月翁源縣流賊平置靈州行人司行人王雄言比者皇上命平江伯銳率衆征虜不能一矢相加遺則遣朱暉往代夫兵部始與諸臣廷議曾不審銳謀勇有無猥以上請謾若姑試斯不貴議矣一試於銳已爲寒心今又再試於暉臣料舉暉者必謂其從父征伐多習戰陣顧處囊之錐末未見也昔蕭何舉韓信謝安舉兄子玄杜黃裳舉高崇文夫惟天下豪傑能知豪傑漢晉唐三君卽未悉信玄崇文固悉其舉玄崇文者陛下未悉朱暉悉舉朱暉者乎夫今監督提督卽唐觀軍容使以郭子儀李光弼之勇略不勝一魚朝恩一觀軍容九節度之師皆潰相州况其下哉今天下之大豈無古名將者但以太平久無所見才臣願陛下及暉未發而止其行責前推舉陳銳者正其輕罔之罪毋發然後再會廷臣就邊方都督中選任其生長邊陲結髮習戰者俾專閫外勿復置監督提督撓之上責雄妄言阻軍下錦衣獄已調爲浪穹丞十月錄收復哈密功丙申月食封秉機爲秦王十一月虜

名山藏

卷之十八

典義記

三十五

入馬蘭谷嚴取沿邊材木禁十二月虜再寇大同之縱兵南掠百餘里得利去吏科給事中許天錫還言威遠之敗偏裨將領死者五十二人軍士失亡千有餘人戰馬兵仗稱是上命遊擊將軍王杲并副總兵昇右參將恭處決如律總兵王璽并家屬悉謫戍巡撫都御史洪漢革職閒住工科給事中張文奏近太監李興有燈節烟火之請皇上以三分爲率減去分半興改奏止減一分夫以今年吳楚徐淮巨浸滔天山西旱甚虜窺伺未已加以雲南思陸之爲變兩廣猺獞之貽患荆襄流民之嘯聚江西腹裏之強盜公行何謂無事宴樂以嬉臣請停免明年上元鰲山烟火百官筵宴以其費給軍使天下曉然知陛下憂民足國之心其所樽節培養甚大工部覆奏上曰卽減分半如前旨頃之工部復言陛下允張文之奏中外忻賀惟光祿寺供辦乾清等宮燈節茶飲攢盤之類比弘治初元加倍請命光祿寺節省如舊從之己酉歲除遣太監榮傳意內閣連日奉侍兩宮勤勞少須調理今日視朝稍遲特諭卿知

名山藏

卷之十八

典義記

三十六

名山藏卷之十九

臣何喬遠恭

典謨記

孝宗敬皇帝

十四年正月二月內府針工局請比例招收幼匠千名工部議往年尚衣監招匠千名兵仗局効之遂至加倍軍器局司設監又効之亦招一千今針工局復請乞停止以節冗濫上曰收五百宣大二邊馬災遣祭北嶽北鎮以陝方用兵取回織造絨褐內臣選補團營壯軍四月虜大舉自鹽池直抵韋州固原虜掠名山藏

卷之十九

孝宗二

一

六監苗達監督軍務保國公朱暉掛印充總兵官都御史史琳提督軍務都督同知李俊都督僉事楊王神吳李澄充左右參將統領京營官軍一萬以禦虜韓王偕瀟薨南京戶科給事中張宦等奏陛下初年禁絕奢淫以求固本而足邊何比者橫恩濫賜之溢出修飭繕造之泛興禱祠遊玩之紛舉偶因內帑稍乏即命支取太倉耗散財物無此爲甚臣等遠聞近取太倉糧銀四十餘萬明命不下於所部秘旨特奉于中官人心驚愕皆曰常費爲經無名屬浪未必盡出聖意或因左右之言夫今兩邊虜跳數戰不利

名山藏

卷之十九

孝宗二

二

軍資耗損請給相仍芻馬燬斃買補方急正宜存省府庫整飭邊儲奈何橐門大開黃緣連茹前費復興前革復進前裁抑復寵遇前竄戮復崇禮大小臣工力抹此弊陛下雖不疎斥亦不採納臣恐冗途日滋國計日誦乞下所部議請取自上斷仍以四十餘萬還太倉非邊餉軍需毋輕動戶部覆議上納之司設監太監鮮奏近收充幼匠千名乞附籍錦衣月支米一石歲給冬衣布花戶部議給米五斗花布免支上曰月八斗以南京鴻臚寺卿王璟爲右僉都御史理兩淮鹽五月賑山西大同等處軍民被虜家遼東鎮夷堡火軍民死者七百餘人命鎮巡等官痛脩省撫民而飭邊禮部言光祿歲辦牲口不下十萬近屢言不足天下物產有限額外費出無已以十萬牲口而解送夷期民窮可見牲口十萬歲供不足費繁可知年復一年何有窮紀伏願裁近幸宴賞悉如元年之舊省無名浮費一準先朝之實上曰有處武崗州苗賊亂延綏遊擊將軍張雄禦虜有斬獲命天下繪地理圖進御太監李興請建寺大興縣東臯村以祝聖更乞賜額護勅以僧錄司左覺義定錡住持得旨陞定錡右講經額寺曰隆禧禮科都給事審舉等奏禮